

Nunatsinni inuussutissanik nioqutissiornermik inuussutissarsiorturnut tunngasuni, tassani ingammik inuussutissanik avammut niuerutigineqartuni pissutsinut tunngasuni, ilinniartitaanikkut neqeroorutinik amerlanerusunik ineriartortitsinissaq pillugu Naalakkersuisut UKA 17-mut nassuiaasiornissamik peqquneqarnissaannik Inatsisartuni aalajangiiffigisassatut siunnersuut.
Inatsisartunut ilaasortamit Mimi Karlsen, Inuit Ataqatigiit, saqqummiunneqartoq

pillugu

**Kultureqarnermut, Ilinniartitaanermut, Ilisimatusarnermut, Ilageeqarnermullu
Ataatsimiititaliap**

siunnersuutip aappassaanneerpeqarneranut

ISUMALIUTISSIISSUTAA

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliarinninnermini ilaasortarai:

Inatsisartunut ilaasortaq Vivian Motzfeldt, Siumut, siulittaasoq
Inatsisartunut ilaasortaq Peter Olsen, Inuit Ataqatigiit, siulittaasup tullia
Inatsisartunut ilaasortaq Ineqi Kilelsen, Siumut
Inatsisartunut ilaasortaq Poul Hansen, Demokraatit
Inatsisartunut ilaasortaq Mimi Karlsen, Inuit Ataqatigiit

UKA2016-ip ingerlanerani ulloq 25. oktober 2016-imi siullermeerinninnerup kingorna ataatsimiititaliap siunnersuut misissorpaa..

Siunnersuutip imarisaa siunertaalu

Siunnersuutikkut siunnersuuteqartup kissaatigaa nunatsinni inuussutissanik nioqutissiornermik ilinniartitaanikkut neqeroorutit ineriartortinneqarnissaannut periarfissat misissorneqarnissaat. Misissuinermi immikkut pingaartinneqassaaq inuussutissanik nioqutissiornermi nunatta avataanut tunisassiornermik ingerlatsineq.

Siunnersuutip ataatsimiititaliamit suliarineqarnera

Siunnersuut siullermeerneqarnermini tamakkiisumik tapersersorneqarpoq. Aalajangiiffigisassatut tunngavigineqartup, ataatsimiititaliamit tamakkiisutut isigineqartup annertusarneqarnissaa ataatsimiititaliamit pisariaqartutut isigineqanngilaq.

Ataatsimiititaliamit inassutigineqassaaq

Siullermeerneqarnerani oqaaseqaatigineqartut kiisalu Naalakkersuisunut kaammattuutigineqartut innersuussutigalugit matumuuna ataatsimiititaliamit **isumaqatigiittumit** siunnersuut **akueriassanngortinneqarpoq.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Peter Olsen
Siulittaasoq



Nivi Olsen
Siulittaasup tullia



Vivian Motzfeldt



Ineqi Kielsen



Mimi Karlsen